

Na osnovu čl. 14. i 18. Zakona o udruženjima i fondacijama ("Službene novine Federacije Bosne i Hercegovine", broj 45/02) člana 11. Zakona o lovstvu Federacije BiH ("Službene novine Federacije Bosne i Hercegovine", br. 4/06,08/10 i 81/14), Zakona o sportu ("Službene novine Kantona Sarajevo", broj 36/12), Skupština Lovačkog udruženja „Sarajevo“, na sjednici održanoj dana 15.02.2023.godine, usvaja:

STATUT Lovačkog udruženja „Sarajevo“

I - OSNOVNE ODREDBE

Član 1.

Ovaj statut u skladu sa odredbama člana 14. Zakona o udruženjima i fondacijama sadrži:

- II- naziv, sjedište i područje djelovanja,
- III- ciljevi i djelatnosti udruženja,
- IV-zastupanje i predstavljanje udruženja,
- V-organi udruženja, njihove ovlasti, način imenovanja i opoziva, trajanje mandata, kvorum i pravila glasanja,uključujući i pitanja o kojima se odlučuje kvalificiranom većinom, funkciju lica ovlaštenog da sazove skupštinu,
- VI-oblik i sadržaj pečata udruženja,
- VII-oblik i sadržaj znaka udruženja,
- VIII-sticanje i raspolaganje imovinom udruženja,
- IX-način donošenja finansijskog plana i izvještaja o radu udruženja i javnost rada udruženja,
- X-postupak za donošenje statuta, izmjene i dopune statuta i drugih općih akata udruženja,
- XI-uvjeti i način učlanjenja, prestanak članstva, kao i prava dužnosti i odgovornosti članova udruženja,
- XII-uvjeti i postupak za pripajanje, razdvajanje, transformaciju i prestanak rada udruženja,
- XIII-pravila za raspodjelu preostale imovine u slučaju prestanka rada udruženja,
- XIV-prelazne i završne odredbe.

II - NAZIV I SJEDIŠTE UDRUŽENJA

Član 2.

Naziv udruženja je: Lovačko udruženje „Sarajevo,, (“U daljem tekstu: udruženje”).
Skrraćeni naziv udruženja je: L. U. „Sarajevo“.
Sjedište udruženja je u Sarajevu, ulica Obala Kulina Bana broj 24.
Udruženje djeluje na području Kantona Sarajevo.

Član 3.

Udruženje može promijeniti naziv i sjedište, o čemu odluku donosi skupština udruženja nadpolovičnom većinom glasova ukupnog broja delegata skupštine udruženja.

Kvorum za rad skupštine je 2/3 većina ukupnog broja delegata skupštine udruženja.

Član 4.

Udruženje je nevladina, vanstranačka, nezavisna i dobrovoljna organizacija koja okuplja članstvo radi uzgoja i zaštite divljači, uređenja lovišta, očuvanja prirodne sredine, rekreacije, te korištenja lovišta i divljači u njemu.

Član 5.

Udruženje ima svojstvo pravnog lica, a stiče se danom upisa u Registar kod Ministarstva pravde i uprave Kantona Sarajevo.

III - CILJEVI I DJELATNOSTI UDRUŽENJA

Član 6.

Ciljevi udruženja su sljedeći:

1. Unapređenje i razvoj lovstva, zaštita prirode i čovjekove okoline, Uzgoj i zaštita divljači, uređenje lovišta, te korištenje lovišta i divljači u njemu,
2. Saradnja sa lokalnim zajednicama, resornim ministarstvom i drugim ministarstvima u BiH,
3. Saradnja sa drugim lovačkim društvima (udruženjima), Lovačkim savezom Kantona Sarajevo, SLO u BiH, kako u BiH tako i van BiH,
4. Saradnja sa raznim, sportskim i privrednim organizacijama i udrugama na području Kantona Sarajevo i šire,
5. Saradnja sa naučnim, turističkim i drugim ustanovama i organizacijama,
6. Vođenje politike usmjerene na edukaciji i učlanjenje mladih u udruženje,
7. Razvoja i njeguje lovnu etiku u redovima svojih članova i u široj javnosti.

Udruženje putem svojih organa sprovodi i ostvaruje navedene ciljeve. Radi ostvarenja ovih ciljeva, udruženje može formirati i klubove (streljački, skijaški, planinarski i drugi).

Član 7.

U skladu sa svojom djelatnošću i programskim ciljevima udruženja, udruženje može da osnuje subjekte za privredu i drugu djelatnost (turističke, ugostiteljske, izdavačke djelatnost, igre na sreću i drugo) pod uslovima određenim Zakonom o udruženjima i fondacijama i ovim statutom.

Član 8.

Utvrđuje uslove za dodjelu priznanja društvenim i privrednim subjektima, istaknutim, pojedincima i svojim članovima, koji su dali poseban doprinos u radu udruženja.

Član 9.

Djelatnost udruženja je lovno – sportska , rekreativna zaštita i očuvanje prirodne sredine, prirodnih resursa, dosljedno sprovođenje zakona i podzakonskih akata, kao i drugih propisa iz oblasti lovstva, saradnja s lokalnom zajednicom i odgovarajućim oragnizacijama unutar Kantona Sarajevo, doprinosi razvoju kinološkog rada, obavlja i druge poslove u skladu sa Zakonom o lovstvu, ovim statutom i drugim aktima udruženja.

IV - ZASTUPANJE I PREDSTAVLJANJE UDRUŽENJA

Član 10.

Lica za zastupanje i predstavljanje udruženja su: predsjednik upravnog odbora i podpredsjednik upravnog odbora udruženja.

Lica za zastupanje i predstavljanje udruženja zastupaju i predstavljaju udruženje u zemlji i inostranstvu, prema fizičkim, pravnim i stranim licima bez ograničenja.

Lica za zasupanje i predstavljanje udruženja imenuje i razrješava skupština udruženja.

Mandat lica za zastupanje i predstavljanje udruženja je 4. godine s pravom reizbora.

Član 11.

U postupcima pred nadležnim organima u kojim udruženje učestvuje kao stranka u postupku, predsjednik upravnog odbora može dati punomoć advokatu ili drugom stručnom licu da zastupa udruženje uz saglasnost nadpolovične većine članova upravnog odbora.

V - ORGANI UDRUŽENJA, NJIHOVE OVLASTI, NAČIN IMENOVANJA I OPOZIVA, TRAJANJE MANDATA, KVORUM I PRAVILA GLASANJA, UKLJUČUJUĆI I PITANJA O KOJIMA SE ODLUČUJE KVALIFICIRANOM VEĆINOM, FUNKCIJU LICA OVLAŠTENOG DA SAZOVE SKUPŠTINU, UNUTRAŠNJA ORGANIZACIJA UDRUŽENJA.

Član 12.

Udruženje ima sljedeće organe:

- Skupštinu,
- Upravni odbor,
- Nadzorni odbor.

Udruženje ima i Administrativnu službu.

a) SKUPŠTINA

Član 13.

Skupština udruženja je najveći organ upravljanja udruženja. Skupštinu čini 25 delegata – članova udruženja.

Skupština može biti: osnivačka, redovna godišnja, izborna, svečana i vandređna.

Član 14.

Nadležnost skupštine udruženja su :

1. donosi statut, izmjene i dopune statuta i druge akte predviđene statutom,
2. donosi plan i program rada udruženja,
3. donosi poslovnik o radu skupštine udruženja,
4. razmatra i usvaja najmnje jednom godišnje izvještaj o radu upravnog i nadzornog odbora udruženja,
5. bira i razrješava članove upravnog i nadzornog odbora, kao i lica ovlaštena za zastupanje i predstavljanje udruženja,
6. daje salasnost na pravne radnje preduzete u postupku osnivanja udruženja,
7. donosi odluke o visini članarine,
8. odlučuje o dodjeli priznanja, odlikovanja i nagrada članovima udruženja,
9. donosi odluke po zahtjevu članova u drugostepenom postupku,
10. donosi odluku o imenovanju komisija i drugih tijela po potrebi udruženja,
11. odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama udruženja,
12. odlučuje o svim pitanjima koja nisu u nadležnosti drugog organa udruženja.

Član 15.

Skupština udruženja može biti:

1. Redovna (jednom godišnje)
2. Redovna izborna (svake četvrte godine),
3. Vandredna (na zahtjev 1/3 delegata udruženja ili na zahtjev 1/3 članova upravnog odbora),
4. Svečana (na zahtjev 1/2 članova upravnog odbora).

Skupštinu udruženja saziva predsjednik skupštine.

Obavještenje o dnevnom redu, mjestu, datumu i vremenu održavanja skupštine mora biti obavljeno najkasnije 10 dana prije datuma određenog za zasjedanje skupštine.

Član 16.

Rad skupštine je javan.

Pored delegata koji čine skupštinu mogu joj prisustvovati i drugi članovi udruženja, kao i druga lica čije je prisustvo od značaja za rad skupštine.

Član 17.

Skupština udruženja punovažno radi i odlučuje ako je prisutno najmanje 2/3 delegata skupštine udruženja. Skupština odluke donosi nadpolovičnom većinom ukupnog broja delegate skupštine udruženja.

Član 18.

O radu skupštine udruženja vodi se zapisnik.

Zapisnik sadrži:

1. naziv i adresu sjedišta udruženja,
2. mjesto i vrijeme održavanja skupštine,
3. ime i prezime predsjedavajućeg, zapisničara, lica koja ovjeravaju zapisnik i članove komisije za glasanje,
4. dnevni red,
5. odluke,
6. podatke o glasanju.

Uz zapisnik se prilažu pismeni prijedlozi i izvještaji podneseni skupštini.

Upravni odbor udruženja dužan je osigurati da se zapisnik sačini najkasnije 7 dana od dana održavanja skupštine.

Zapisnik o radu potpisuje predsjednik skupštine, zapisničar i lica koja ovjeravaju zapisnik.

Udruženje je dužno trajno čuvati zapisnik skupštine, evidenciju o prisutstvu i glasanju delegata, obavještenja i pozive za skupštinu.

Član 19.

Skupštinom udruženja predsjedava predsjednik skupštine, koji se bira iz redova članova skupštine. Predsjednik, potpredsjednik i sekretar skupštine se također biraju iz reda članova skupštine.

Član 20.

Prava i dužnosti predsjednika skupštine udruženja su:

1. saziva skupštinu,
2. predsjedava sjednicama skupštine i usmjerava njen rad,
3. organizuje i priprema skupštinu,
4. potpisuje sve akte koje donese skupština.

Član 21.

Prava i dužnosti potpredsjednika skupštine udruženja su:

1. zamjenjuje predsjednika skupštine u slučaju njegove odsutnosti (saziva skupštinu, potpisuje akte i sl.)
2. sa predsjednikom i sekretarom skupštine učestvuje u pripremi sjednica skupštine.

Član 22.

Prava i dužnosti sekretara skupštine udruženja su :

1. sa predsjednikom i potpredsjednikom skupštine učestvuje u pripremi sjednica skupštine,
2. prati zakonske propise i usklađuje pravnu regulativu udruženja sa istim,
3. za svoj rad odgovaran je predsjedniku skupštine.

Član 23.

Mandat predsjednika, potpredsjednika skupštine, sekretara skupštine i ostalih članova skupštine traje 4. godine sa pravom reizbora više puta.

a) UPRAVNI ODBOR

Član 24.

Upravni odbor udruženja je izvršni organ udruženja u kojem svi članovi imaju ista prava i dužnosti, kao i odgovornosti.

Upravni odbor udruženja broji 11 članova.

Nadležnost upravnog odbora su:

1. donosi odluke, pravilnike i druge akte
2. priprema sjednice skupštine udruženja,
3. priprema i predlaže nacrt statuta, izmjene statuta i drugih akata koje donosi skupština udruženja,
4. provodi politiku, zaključke i druge odluke koje je donijela skupština udruženja,
5. upravlja imovinom udruženja,
6. podnosi godišnji ili periodični izvještaj o svom radu skupštini udruženja na usvajanje,
7. prati i analizira problematiku lovstva i drugih djelatnosti udruženja,
8. prati i donosi odluku o realizaciji finansijskog plana koji usvaja skupština udruženja.

Član 25.

U udruženju, mandat članova upravnog odbora traje 4 godine sa pravom reizbora, voditi računa da najmanje 30% članova, prethodno izabranih organa ostane u novom sazivu organa udruženja, radi kontinuiteta.

Svaki član udruženja može biti razriješen dužnosti na prijedlog disciplinskog organa - komisije, ukoliko ne provodi stavove, odluke i zaključke organa udruženja

Član 26.

Sjednicu upravnog odbora saziva i njom rukovodi predsjednik upravnog odbora.

Predsjednik upravnog odbora je i predsjednik udruženja.

Na sjednicu upravnog odbora, predsjednik može po potrebi pozvati i druga lica koja nisu članovi upravnog odbora, a čije je prisustvo od važnosti za rad upravnog odbora.

Član 27.

Član upravnog odbora ne može biti istovremeno i član nadzornog odbora, niti predsjednik ili potpredsjednik skupštine udruženja i obratno.

Član 28.

Predsjednik upravnog odbora ima sljedeća prava i dužnosti :

1. zakazuje, predsjedava sjednicama upravnog odbora i usmjerava njihov rad,
2. potpisuje sve odluke i akte upravnog odbora,
3. u ime upravnog odbora skupštini udruženja podnosi izvještaj o radu,
4. potpisuje materijalno-finansijska dokumenta,
5. predstavlja i zastupa udruženje.
6. obavlja i druge poslove u skladu sa Zakonom o udruženjima i fondacijama, Zakonom o lovstvu i ovim statutom,

Član 29.

Potpredsjednik upravnog odbora ima sljedeća prava i dužnosti :

1. zamjenjuje predsjednika upravnog odbora u njegovoj odsutnosti,
2. potpisuje sve odluke i akte upravnog odbora u slučaju odsutnosti predsjednika upravnog odbora,
3. potpisuje sva materijalno-finansijska dokumenta u slučaju odsutnosti predsjednika upravnog odbora.
4. predstavlja i zastupa udruženje.
5. obavlja i druge poslove u skladu sa Zakonom o udruženjima i fondacijama, Zakonom o lovstvu i ovim statutom

Član 30.

Sjednice upravnog odbora mogu biti redovne i vandredne.

Redovne sjednice upravnog odbora održavaju se jednom u tri mjeseca.

Vandredne sjednice upravnog odbora održavaju se po potrebi ili na zahtjev članova upravnog odbora. Redovne i vandredne sjednice zakazuje predsjednik upravnog odbora.

Sjednice upravnog odbora se mogu održati ako sjednici prisustvuje više od polovine članova upravnog odbora, a odluke upravnog odbora su punovažne ako za njih glasa nadpolovična većina

ukupnog broja članova upravnog odbora. U slučaju tri neopravdana dolaska na sjednice upravnog odbora, pokreće se postupak o njegovoj smjeni, te izboru novog člana.

Član 31.

Upravni odbor udruženja imenuje stalne, privremene komisije i tijela.

Stalne komisije su :

1. Disciplinska komisija,
2. Disciplinski tužilac i njegov zamjenik,
3. Komisija za unapređenje lovstva,
4. Komisija za odlikovanja i priznanja,
5. Komisija za ocjenu lovačkih trofeja,
6. Komisija za statut i normativne akte.

Privremene komisije i tijela su :

1. Komisija za popis imovine,
2. Komisija za smotru i pregled lovačkog oružja,
3. Komisija za prebrojavanje divljači,
4. Organizovanje patrolne službe u lovištu na prijedlog i stručnu pomoć lovovođe,
5. Komisija za pripremu polaganja lovačkih ispita,
6. Druge komisije i tijela u skladu sa Zakonom o lovstvu i ovim statutom se mogu formirati u udruženju.

a) - NADZORNI ODBOR

Član 32.

Nadzorni odbor udruženja broji 5 članova, skupština udruženja imenuje članove nadzornog odbora na mandat od 4 godine sa pravom reizbora više puta.

Nadležnosti nadzornog odbora su:

1. nadzire zakonitost rada udruženja,
2. vrši nadzor nad ostvarivanjem politike finansiranja, prilikom i korištenjem finansijskih sredstava udruženja i o tome najmanje jednom godišnje informiše upravni odbor, odnosno skupštinu udruženja,
3. Između svojih članova bira predsjednika i potpredsjednika nadzornog odbora.

Član 33.

Sjednice nadzornog odbora udruženja održavaju se po potrebi, a najmanje jednom godišnje.

Član 34.

Predsjednik nadzornog odbora udruženja ima sljedeća prava i dužnosti:

1. zakazuje i predsjedava sjednicama nadzornog odbora,
2. usmjerava rad nadzornog odbora,
3. potpisuje sve akte koje usvoji nadzorni odbor,
4. podnosi godišnji izvještaj o radu nadzornog odbora skupštini udruženja

a) - ADMINISTRATIVNA SLUŽBA

Član 35.

Administrativna služba se organizuje za tehničke potrebe udruženja i odgovara za urednost i ažurnost dokumentacije udruženja.

Sekretar organizuje rad administrativne službe i odgovara za uredno i na vrijeme izvršene poslove i zadatke utvrđene aktom upravnog odbora.

Sekretara bira upravni odbor.

Mandat sekretara traje 4. godine sa pravom reizbora više puta.

Administrativni sekretar za svoj rad odgovara upravnom odboru udruženja kojem podnosi

izvještaj.

Član 36.

Lovovođa udruženja je stručno lice koje rukovodi i kordinira rad i izvršenje lova u skladu sa Zakonom o lovstvu. On koordinira rad lovovođa sekcija.

Lovovođa udruženja za svoj rad odgovoran je upravnom odboru udruženja.

Mandat lovovođe traje 4. godine sa pravom reizbora.

Lovovođu udruženja bira upravni odbor, a potvrđuje skupština udruženja.

Član 37.

Kinološki referent udruženja, organizuje smotre lovačkih pasa i organizuje njihovu obuku. Obavlja i druge poslove vezane za evidenciju i zaštitu lovačkih pasa.

Za svoj rad odgovoran je upravnom odboru udruženja.

Kinološkog referenta udruženja bira upravni odbor udruženja.

Član 38.

Udruženje ima:

1. Stručnu službu udruženja za provođenje lovno-gospodarske osnove,
2. Lovočuvarsku službu koju vrši lovočuvnik kao ovlašteno službeno lice zaposleno u lovištu (udruženju).

e) - UNUTRAŠNJA ORGANIZACIJA UDRUŽENJA

Član 39.

U cilju uspješnog djelovanja udruženja, ostvarenja i kontrole predviđenih ciljeva, udruženje se organizuje u lovne grupe i lovne sekcije.

Član 40.

Radi neposrednog i ravnopravnog učešća članova udruženja u izvršavanju zadataka u okviru sekcije, osnivaju se lovne grupe.

Odluku o rasporedu i brojnosti lovne grupe donosi predsjednik sekcije, a po potrebi je mijenja i dopunjuje.

Na čelu lovne grupe odgovorno licu za njen rad i realizaciju lova je grupovođa (vođa grupe).

Član 41.

Lovne sekcije u udruženju sastoje se od dvije ili više lovne grupe.

Član 42.

Članovi lovne grupe predlažu grupovođu, zamjenika grupovođe i delegate za skupštinu i ostale organe udruženja, a sekcija usvaja prijedloge ukoliko nisu u sukobu sa članom 85. statuta. Oni se biraju na period od 4. godine sa pravom reizbora više puta.

Član 43.

Sve lovne grupe udruženja su jednake i ravnopravne u svojim pravima i obavezama prema udruženju, u skladu sa Zakonom o lovstvu i ovim statutom.

Član 44.

Grupovođa je po dužnosti član sekretarijata lovne sekcije. On je dužan da redovno informiše članove grupe o radu i aktivnostima sekretarijata sekcije.

Grupovođa je za svoj rad i rad grupe odgovoran sekretarijatu sekcije.

Član 45.

Sastanci grupe održavaju se po potrebi, a najmanje jednom u toku kalendarske godine.

Član 46.

Lovna sekcija je osnovna organizaciona jedinica udruženja i obuhvata zaokruženo lovno područje (teren jedne ili više mjesnih zajednica).

Svaka sekcija dužna je ostvariti saradnju sa organima mjesne zajednice na kojima djeluje u interesu što boljeg rada i izvršavanja zadataka po pitanju lovstva, zaštite divljači i stanišnih prilika.

Član 47.

Brojno stanje lovaca – članova u sekciji utvrđuje upravni odbor udruženja.

Član 48.

Područje na kojima djeluju sekcije, čine jedinstvenu cjelinu lovišta „BUKOVIK,, a čiji je korisnik Lovačko udruženje „ Sarajevo“.

Udruženje gravitira na području 4. opštine grada Sarajeva i to : Centar, Stari Grad, Novo Sarajevo, Novi Grad.

Član 49.

Udruženje se sastoji od 4. lovne sekcije:

1. Lovne sekcije Crepoljsko,
2. Lovne sekcije Nahorevo,
3. Lovne sekcije Hum,
4. Lovne sekcije Trebević.

Član 50.

Prava članova udruženja u okviru sekcije su:

1. da u okviru zakona, podzakonskih akata i akata udruženja, obavlja lovne, sportske ili druge aktivnosti,
2. da u okviru godišnjih, srednjoročnih i dugoročnih planskih aktivnosti rade na unapređenju i razvoju lovstva kroz direktno predlaganje konkretnih mjera.
3. da utvrđuje organizaciju rada u cilju najefikasnijeg djelovanja na unapređenju uzgoja, prihranjivanja i zaštite divljači u lovištu.

Član 51.

Dužnosti članova udruženja u okviru sekcije su:

1. da rade na jačanju međuljudskih odnosa
2. da sprovode i izvršavaju utvrđene zadatke predviđene ovim statutom,
3. da sprovode odluke i zaključke organa udruženja,
4. da se u lovištu ponašaju domaćinski i u skladu sa lovnom etikom,
5. da aktivno učestvuju u sprečavanju krivolova,
6. da učestvuju u svim aktivnostima koju organi udruženja pokreću u cilju unapređenja razvoja lovstva.

Član 52.

Sve lovačke sekcije su jednake i ravnopravne u svojim pravima i obavezama prema udruženju i u skladu sa Zakonom o lovstvu i ovim statutom.

Član 53.

Članovi sekcija ostvaruju svoja prava neposrednim učešćem i putem organa upravljanja udruženja i to:

1. odlučivanjem u zboru sekcije,
2. odlučivanjem na skupštini udruženja (putem delegata),
3. odlučivanjem na upravnom i nadzornom odboru (putem članova),
4. ostvaruju i radom svojih članova koji obavljaju dužnosti u okviru stručnih službi, komisija i tijela udruženja.

Član 54.

Zbor sekcije čine svi članovi sekcije. Zbor sekcije održava se prema potrebi.

Zbor sekcije može punovažno da radi i odlučuje, ako mu prisustvuje nadpolovična većina članova.

Zbor sekcije razmatra sve zaključke i zadatke na planu i unapređenju lovstva koji su donijeli skupština udruženja i drugi organi upravljanja udruženja, nadležna ministarstva, SLO BiH, LS Kantona Sarajevo.

Član 55.

Na zboru članova lovne sekcije bira se sekretarijat lovne sekcije od najmanje 7 članova.

Nakon konstituisanja sekretarijata isti od svojih članova bira predsjednika, potpredsjednika sekcije, lovovođu sekcije i pomoćnog kinološkog referenta. Oni se biraju nadpolovičnom većinom od ukupnog broja prisutnih. Njihov mandat traje 4. godine sa pravom reizbora više puta.

Bilo bi poželjno, ukoliko za to postoje realne mogućnosti da predsjednik i potpredsjednik sekcije budu članovi sa visokom ili višom stručnom spremom.

Član 56.

Predsjednik i potpredsjednik sekcije ne mogu biti iz iste lovne grupe. Prilikom njihovog izbora treba voditi računa o jednakosti i ravnopravnosti grupa, odnosno njihovom učešću u pogledu predlaganja i izbora za ove funkcije, odnosno rotacije između grupa.

Član 57.

Predsjednik lovne sekcije je član upravnog odbora.

Član 58.

Sastanci lovne sekcije održavaju se po potrebi, a najmanje 3. puta u toku jedne godine.

Član 59.

Sekretarijat lovne sekcije:

1. sprovodi politiku i ciljeve udruženja,
2. sprovodi odluke i zaključke članova sekcije,
3. sprovodi planove za unapređenje stanja unutar sekcije,
4. predlaže, daje inicijative i sugestije organima udruženja,
5. vodi brigu o unapređenju kinologije.

Član 60.

Predsjednik lovne sekcije ima sljedeća prava i dužnosti:

1. priprema materijal za sastanke sekretarijata sekcije,
2. saziva, vodi sastanke sekretarijata i usmjerava njegov rad,
3. potpisuje zapisnik sekretarijata sekcije,
4. obavještava članove sekretarijata o radu upravnog, nadzornog odbora i drugih organa i tijela udruženja,
5. vodi brigu o razvijanju međuljudskih odnosa unutar sekcije,
6. koordinira rad između grupa u pogledu dosljedne primjene Zakona o lovstvu, ovog statuta i drugih akata udruženja.

Član 61.

Podpredsjednik lovne sekcije zamjenjuje predsjednika lovne sekcije u slučaju njegove odsutnosti. On pomaže predsjedniku sekcije u pripremi materijala za sastanke sekretarijata sekcije.

Član 62.

Predsjednik lovne sekcije na kraju lovne godine podnosi izvještaj o svom radu i radu sekretarijata sekcije upravnom odboru udruženja.

Član 63.

Lovovođa sekcije ima sljedeća prava i dužnosti:

1. da u saradnji i po nalogu lovovođe udruženja, preduzima sve mjere i radnje koje se odnose na organizovanje lova i planskih lovnihi aktivnosti,
2. da kordinira rad između grupa u pogledu lovnihi aktivnosti,
3. da po grupama u okviru sekcije vrši kontrolu i nadzor ispravnosti lovno-tehničkih objekata, lovačkih staza, čeka, hranilišta, pojilišta, sojilišta,
4. organizuje zajedničke lovove na nivou sekcije,
5. da aktivno učestvuje na sprečavanju krivolova i drugih protivpravnih aktivnosti,
6. da aktivno sarađuje sa drugim lovovođama sekcija i lovovođom udruženja,
7. da sekretarijat sekcije upoznaje sa svojim aktivnostima.

Član 64.

Lovovođa sekcije za svoj rad odgovoran je lovovođi udruženja.

VI - OBLIK, SADRŽAJ I UPTREBA PEČATA UDRUŽENJA

Član 65.

Pečat je okruglog oblika, prečnika 25 mm, sa tekstom Lovačko udruženje „Sarajevo,, napisano latinicom, dok se u sredini nalazi amblem udruženja – glava srndaća.

Štambilj je pravougaonog oblika dimenzija 55 x 25 mm, sa tekstom: Lovačko udruženje „Sarajevo,, sa oznakom otprema i prijem pošte, brojem i datumom.

Član 66.

Pravo na upotrebu pečata udruženja imaju:

1. Predsjednik i podpredsjednik skupštine udruženja,
2. Predsjednik i podpredsjednik upravnog odbora udruženja,
3. Predsjednik i podpredsjednik nadzornog odbora,
4. Lovovođa i glavni lovočuvar udruženja.

Oni imaju pravo na upotrebu pečata na dokumentima svako iz svoje nadležnosti funkcije koju obavljaju.

Član 67.

Sekretar udruženja ima pravo na upotrebu pečata po ovlaštenju predsjednika upravnog odbora na dokumentima iz svoje nadležnosti koju obavlja i to po pismenom ovlaštenju predsjednika upravnog odbora.

Član 68.

Pečat i štambilj se čuvaju kod sekretara udruženja, koji je odgovoran za zakonitu upotrebu pečata i štambilja.

VII - OBLIK I SADRŽAJ ZNAKA UDRUŽENJA

Član 69.



Udruženje ima svoj znak koji je u obliku grba i zastavu.

Znak Udruženja je okruglog oblika, grafički stiliziran znak u obliku glave srndaća sa rogovljem, zelene boje iznad koje je ispisan naziv Lovačko udruženje „Sarajevo“ Sarajevo, a ispod 1894, okruženo maslinovom granom sa obje strane.

Zastava je bijele boje sa rubnom trakom u zlatno žutoj boji, odnos širine i dužine je 3:5, na kojoj se nalazi znak Udruženja iz predhodnog stava ovog člana.

VIII - STICANJE I RASPOLAGANJE IMOVINOM DRUŠTVA

Član 70.

Udruženje stiče sredstva od: članarina, donacija, poklona, dobiti od preduzeća čiji su osnivači, sredstva iz budžeta nadležnih vlasti u skladu sa zakonom i drugih izvora u skladu sa Zakonom o udruženjima i fondacijama.

Član 71.

Udruženje sredstva koristi planski i racionalno, po finansijskom planu prihoda i rashoda usvojenom od skupštine za tekuću godinu i odluka upravnog odbora i o tome vodi materijalno-finansijsku dokumentaciju.

Član 72.

Udruženje ima svojstvo pravnog lica.

Udruženje ima svoj žiro račun otvoren kod poslovne banke u Sarajevu.

Udruženje može u skladu sa Zakonom osnivati preduzeća i druge pravne subjekte.

Član 73.

Skupština udruženja je obavezna najmanje jednom godišnje usvojiti finansijski izvještaj o radu i to nadpolovičnom većinom delegate skupštine udruženja, a koje pripremi i skupštini dostavlja upravni odbor udruženja.

Član 74.

Upravni odbor je odgovoran za zakonsko korištenje sredstava Udruženja.

Član 75.

Nadzor nad korištenjem sredstava u skladu sa Zakonom i aktima Udruženja vrši Nadzorni odbor.

IX - NAČIN DONOŠENJA FINANSIJSKOG PLANA I IZVJEŠTAJA O RADU UDRUŽENJA I JAVNOST RADA UDRUŽENJA

Član 76.

Upravni odbor na kraju kalendarske godine priprema izvještaj o radu Udruženja i Finansijski plan i iste prezentira Skupštini na usvajanje.

Izvještaj se smatra usvojenim kada za izvještaj izjasni najmanje nadpolovična većina delegata skupštine udruženja.

Ukoliko se isti ne usvoji vratit će se Upravnom odboru na doradu, i prezentovat će se na prvoj sjednici skupštine.

Član 77.

Rad udruženja i njegovih organa je javan i dostupan svakom članu udruženja, javnosti i nadležnim organima.

Udruženje putem sredstava javnog informisanja, a posebno lovačkog lista, kao i na druge načine obavještava svoje članove i širu javost o svom radu.

Sve informacije o radu udruženja daju samo ovlaštena lica, a to su predsjednik i podpredsjednik upravnog odbora udruženja.

X - POSTUPAK ZA DONOŠENJE STATUTA, IZMJENA I DOPUNA STATUTA I

DRUGIH OPĆIH AKATA UDRUŽENJA

Član 78.

Kada se utvrdi da postoje opravdani razlozi, skupštini udruženja može se podnijeti zahtjev za donošenje novog statuta ili izmjene i dopune postojećeg statuta.

Inicijativu mogu podnijeti:

- 1/3 članova Udruženja,
- Upravni odbor Udruženja,
- Nadzorni odbor

Prijedlozi za donošenje novog statuta ili izmjene i dopune statuta koji nisu potekli od upravnog odbora, dostavljaju se u pismenoj formi upravnom odboru.

Tekst prijedloga za donošenje novog statuta ili izmjene i dopune statuta, upravi odbor dostavlja svim sekcijama na razmatranje.

Nakon toga, upravni odbor dostavlja prijedlog skupštini udruženja, a najkasnije 15 dana prije održavanja skupštine.

Novi Statut izmjene i dopune postojećeg statuta donosi skupština udruženja nadpolovičnom većinom delegate skupštine udruženja

XI - USLOVI I NAČIN UČLANJENJA,PRESTANAK ČLANSTVA,KAO I PRAVA,DUŽNOSTI I ODGOVORNOST ČLANOVA UDRUŽENJA

Član 79.

Član udruženja može biti svaki državljanin BiH i strani državljanin koji ima stalno mjesto prebivališta na teritoriji BiH, bez obzira na vjeroispovjest i spol.

Za članstvo u udruženje, neophodno je:

1. da to lice nema zakonskih smetnji za učlanjenje u udruženje,
2. da posjeduje ljudske, moralne i druge vrijednosti da bi moglo kvalitetno, odgovorno i na vrijeme obaviti sve postavljene zadatke,
3. da se primi u članstvo na osnovu godišnjeg plana prijema,
4. da redovno izmiruje sve obaveze prema udruženju.

Član 80.

Lice koje želi postati član udruženja, podnosi pismeni zahtjev upravnom odboru udružena, u kojem navodi: kratku biografiju, razloge zbog kojih želi postati član udruženja.

Za prijem tog lica u članstvo, neophodno je i mišljenje (preporuka) sekretarijata sekcije u kojoj želi postati član.

Upravni odbor udruženja donosi odluku o prijemu ili neprijemu podnosioca zahtjeva u članstvo.

Član 81.

Članstvo udruženja može biti :

1. redovno,
2. počasno,
3. članovi pripravnici,
4. pomažući članovi,
5. podmladak.

Status redovnog člana stiče lice koje je završilo pripravnički staž i položio lovački ispit i koje izvršava sve svoje obaveze prema udruženju u skladu sa ovim statutom i drugim aktima društva.

Počasnim članom postaje redovan član udruženja, koje je navršilo predviđen broj godina lovačkog staža, na prijedlog njegove matične lovne sekcije, a u izuzetnim slučajevima počasnim članom može postati fizičko lice koje je dalo poseban doprinos razvoju i unapređenju rada udruženja. Odluku o proglašenju počasnog člana donosi skupština udruženja. Počasni članovi koji su dali poseban doprinos udruženju mogu obavljati funkcije u svim organima udruženja.

Članom pripravnikom se smatra novoprimljeni član udruženja koje nema položen lovački ispit.

Pomažući član udruženja postaje fizičko ili pravno lice koje je svojim radom i ponašanjem doprinijelo radu udruženja, a ne bavi se aktivnim lovom.

U podmladak udruženja može se učlaniti lice mlađe od 18 godina života, koje se ne može aktivno baviti lovom, a prihvata odredbe ovog statuta.

Član 82.

Član udruženja može biti istovremeno i član nekog drugog lovačkog udruženja (društva) i obratno.

Član 83.

Prestanak članstva u udruženju nastaje:

1. smrću člana,
2. dobrovoljnim istupanjem,
3. isključenjem na osnovu odluke organa udruženja,
4. u slučaju prestanka rada udruženja.

Član 84.

Prava svakog člana udruženja su:

1. da bira i bude izabran u sve organe udruženja (osim u slučaju predviđenim članom 85. ovog statuta),
2. da daje prijedloge, mišljenja i sugestije, te pokreće inicijative u radu udruženja,
3. da redovno informiše i bude informisan o radu i aktivnostima udruženja,
4. da čuva i podiže ugled udruženja,
5. da učestvuje u sprovođenju odluka i zaključaka organa udruženja.

Član 85

Izuzetak člana 84. stav 1. ovog statute, odnosi se na srodnike do 4. stepena krvnog srodstva i do 2. stepena tazbinskog srodstva.

U cilju stalnog jačanja i razvijanja međuljudskih odnosa i međusobnog povjerenja među članovima udruženja, da bi se spriječio nepotizam ili stavljanje u povoljniji položaj dva ili više navedenih srodnika ne mogu biti istovremeno imenovani u organu udruženja, sekciji grupi. A odnosi se na sljedeće slučajeve:

- Delegate Skupštine udruženja,
- Članove Upravnog odbora udruženja,
- Članove Nadzornog odbora udruženja,
- u lovnoj sekciji – predsjednik, potpredsjednik i lovovođa sekcije,
- u lovnoj grupi - grupovođa i zamjenik grupovođe.

Član 86.

Dužnosti svakog člana udruženja su:

1. da se pridržava Zakona o lovstvu, kao i drugih zakona i propisa,
2. da se pridržava odredbi ovog statuta, kao i drugih akata udruženja,
3. da čuva i njeguje međuljudske odnose,
4. da poštuje ugled udruženja i njegovih organa,
5. da aktivno učestvuje u suzbijanju svakog štetnog djelovanja u udruženju,
6. da svojim aktivnim radom, prema planu i odlukama organa udruženja učestvuje u izvršenju svih zadataka,
7. da na vrijeme izmire svoje obaveze prema udruženju,
8. da o svim zapažanjima ili pojavama unutar udruženja ili lovišta, koje na bilo koji način mogu prouzrokovati štetu, odmah, bez odlagnja, obavjestiti nadležne organe udruženja.

Član 87.

U okviru udruženja na nivou sekcija ili lovnih grupa, u toku kalendarske godine, neophodno je obaviti 5 radnih akcija (3 obavezne).

U slučaju nedolaska na radne akcije, član udruženja je dužan da plati naknadu za radnu akciju. Njenu visinu određuje upravni odbor udruženja.

Član 88.

Član udruženja koji ne poštuje odredbe Zakona o lovstvu, ovog statuta i drugih akata udruženja, snosi ličnu odgovornost, koja može rezultovati isključenjem iz udruženja, a u težim slučajevima i krivičnu odgovornost

Član 89.

Način izbora u udruženju

Udruženje u vođenju kadrovske politike se opredjeljuje za sljedeće principe:

1. izbor između više kandidata,
2. kontinuitet članova u oragnima,
3. javno kandidovanje i predlaganje,
4. teritorijalna zastupljenost.

XII - USLOVI I POSTUPAK ZA PRIPAJANJE, RAZDVAJANJE, TRANSFORMACIJU ILI PRESTANAK RADA UDRUŽENJA

Član 90.

Udruženje se može udruživati u:

- savez udruženja koja se bave istom problematikom,
- sa drugim udruženjima i nevladinim organizacijama koji imaju iste ili slične ciljeve.

Udruženje se može pripojiti drugom udruženju ili nevladinoj organizaciji, može se razdvojiti na dva ili više udruženja i može se transformisati u drugi oblik, o čemu skupština donosi odluku u kojoj će regulisati šta sa imovinom za slučaj nastanka navedenih promjena.

Član 91.

Udruženje može biti član raznih NVO mreža, asocijacija od lokalnog do međunarodnog nivoa. Odluka o ućlanjenju iz predhodnog stava donosi Upravni odbor udruženja.

Član 92.

Odluku o pripajanju, razdvajanju ili transformaciji, donosi skupština udruženja nadpolovičnom većinom delegata skupštine udruženja.

Član 93.

Udruženje prestaje sa radom u skladu sa Zakonom o udruženjima i fondacijama i ovim statutom:

1. odlukom skupštine udruženja 2/3 većinom delegata skupštine udruženja,
2. zabranom rada od strane nadležnog organa.

Član 94.

Skupština udruženja će donijeti odluku o prestanku rada udruženja u sljedećim slučajevima:

1. ako broj članova udruženja padne ispod broja članova koliko je bilo potrebno da se udruženje osnuje,
2. ako udruženje dođe u situaciju da ne može više opstati u nedostatku finansijskih sredstava, što bi dovelo u pitanje provođenje dugoročnog, srednjoročnog i kratkoročnog plana rada udruženja.

Član 95.

Nadležni organ će donijeti odluku o prestnaku rada udruženja u sljedećim slučajevima:

1. ako se utvrdi da je udruženje prestalo djelovati ili je proteklo dvostruko više vremena od vremena utvrđenog ovim statutom, za održavanje godišnje skupštine udruženje, a skupština nije održana,
2. ako udruženje djeluje suprotno odredbam ovog statuta,
3. ako udruženje ne ispunjava zadatke, tj. ciljeve zbog kojih je osnovano ili obavlja djelatnost za

koju nije reistrovano.

XIII PRAVILA ZA RASPODJELU PREOSTALE IMOVINE U SLUČAJU PRESTANKA RADA UDRUŽENJA

Član 96.

U slučaju prestanka rada udruženja, preostala imovina udruženja se raspoređuje u skladu sa odlukom skupštine udruženja i u skladu sa Zakonom.

XIV - PRELAZNE I ZAVRŠNE ODREDBE

Član 97.

Ovaj statut stupa na snagu danom usvajanja.

Stupanjem na snagu ovog statuta prestaje da važi statut udruženja Lovačkog udruženja “Sarajevo” broj: 75/05-06 od 05.09.2006. godine, koji je ovjeren od strane Ministarstva pravde i uprave Kantona Sarajevo broj 03-05-05-9502/06 od 10.10.2006. godine.

Član 98.

Svi članovi koji su izabrani u organe udruženja, a u sukobu su sa članom 85. statuta ostaju u organima do sljedeće izborne skupštine.

Član 99.

Tumačenje ovog statuta daje skupština.

Broj:112/23

Datum: 15.06.2023. godine

Predsjednik Skupštine

Rasim Sadiković

S T A T U T

Udruženja Lovačkog društva „Sarajevo“

Sarajevo, 15.02.2023. godine